

E biaha aki HOLA Aruba ta scoge pa un cas cu a ser traha na aña 1848 segun documentonan ta indica.

E cas aki situa den Schelpstraat 36 di Famia Henriquez te awe ta existi pero el a cambia un tiki di aspecto pero e ta riba e mesun fundeshi cu el a wordo traha. Un cas cu a pasa den tur tempo y ainda ta existi cu tabata pertenece na Famia Henriquez awor ta pasa pa ta propiedad di gobierno. Restauracion a tuma lugar y e cas a bolbe conoce un bida despues di varios aña cu el a keda para te hasta a kima pa via di chollernan cu a podera di dje y a destroze.

Propietarionan di e cas aki tabata Abelardo Henriquez cu su casa Dominica Silda Figaroa q.e.p.d.

Parti Interior di e cas.

Parti dilanti di e cas tabata unico resaltando e casnan di e epoca ey cu colornan yamativo cu diseñonan conservativo.

E cas aki tabata tin un sala grandi cu cada banda di dje cambenan grandi.

Tabata tin un comedor grandi cu un camber banda di dje cu un cushina grandi cu un fogon. Pafor tabata tin un bester cu ta e bazo cu despues di tempo a wordo cambia pa un lugar di warda romel. Un baño nobo a wordo traha parti paden di e cas.

E murayanan tabata blancha manera e casnan di e temponan aya cu un geel bibo cu tabata duna e cas e ambiente tipico di Aruba. E trapinan tabata di palo cu bentananan di palo cu vloer di palo manera cu e casnan aki tabata wordo traha.

Interior di e cas tabata color blanco pasobra parti paden di e cas tabata uno cu no tabata tin mester di ta buya. Mueblenan cu tabata tin den e cas tabata mueblenan antiguo cu segun Sra. Maria ta corda tabata mueblenan cu hasta ta pertenece na su abuelonan. Mueblenan di palo tabata colornan scur cu pianan di stoel gekrul den forma di delfin of otro bestia. Lamentablemente cu chollernan a podera di e cas y nan horta tur cos den dje pa despues kima e cas.

Den e sala tabata tin dos potret colga di e welo y wela di e famia Henriquez cu tambe a desaparece cu yegada di choller.

A CAMBIE UN TIKI

Awor aki e cas a wordo cambia un tiki di su originalidad cual cambio ta bisto na e entrada di e cas y e cambenan cu a wordo cambia. Parti di e cushina tambe a wordo cambia pero tur e cambionan aki ta pasobra e cas aki awor ta bay forma parti di un of mas oficina di gobierno ora cu e termina completamente.


DOLONAN DI E CAS

Sr. Abelardo tabata sastre y tabata un homber dedica na toca su viol cu tabata su pasion. Aparte di esaki sr. Abelardo tabata yuda hende cu traduccion debi na su conocimiento di diferente idioma y tambe tabata yuda hende cu yena papelnan di belasting. Ta di eynan tambe e cas a haya e nomber di "La casa de la Municipalidad" cu

EO

CASNAN NA ARUBA

CAS DI FAMILIA HENRIQUEZ
Ta traha na aña 1848



tin su edad caba si tuma na cuenta e fecha cu el a wordo construi.

Sra. Maria Henriquez yiu di difunto Abelardo y Silda Henriquez tambe a lanta y biba den e cas aki cu awe despues di tanto ata atrobe e cas ta haya un bida y recuerdonan di un Aruba bunita di antes.

Cu emocion sra. Maria ta recorda e cayanan bunita di antes cu hendenan humilde tabata biba y cu ladroncia y criminalidad no tabata un problema pa e famianan pasobra nan no tabata conoce e cosnan aki.

Di e matrimonio Henriquez a sali cuater yiu di cual Sr. Leandro mihor conoci como Dedechi ta esun mayor despues ta sigui Josefa cu a fayece, Agueda y por ultimo Sra. Maria cu ta esun di mas chiquito.

Sra. Maria ta corda cu el a biba te cu su 21 aña den e cas di famia Henriquez situa na Schelpstraat 36.

Tur rond di e cas di famia Henriquez tabata biba hende nan humilde respetuoso y trankilo manera famia Ecury cu tabata un di nan bisñanan. Nan mama tabata un hende masha keto mes cu tabata bishita su bisñanan ora cu nan tabata malo of nan tabata tin mester di algo. Sra. Maria ta corda cu tur Diadomingo ora cu nan ta bay misa e famia ta pasa cuminda conocirnan di nan pero mas tanto conocirnan di Sr. Abelardo.

Sr. Abelardo tabata tin masha iha mes na Aruba cu hasta un lista e famia a keda cune cu nombenan di su ihanan. E tabata gusta yuda hende di tur parti di Aruba hasta hendenan di afor tabata bin Aruba pa busca ayudo cerca sr. Abelardo. Sr. Abelardo tabata tin un ruman homber cu tabata yama Nenencio Henriquez cual no a forma un famia nunca.

Mayornan di sr. Abelardo tabata hendenan cu tabata tin hopi cen cu tabata kere hopi den yuda nan yiunan progresa y ta pesey nan a paga un meneer di idioma di Corsow pa e siña Abelardo y Nenencio idioma. E meneer aki di fam Kuiperi a siña Abelardo y su ruman cuater idioma Hulandes, Ingles, Spaño y Frances.

Ta pesey sr. Abelardo tabata por a yuda hende cu haya cartanan skirbi den otro idioma pa traduci esakinan. E tabata traha riba su mes y no bao ningun hende pasobra e temponan aya hendenan di placa ta pensa cu nan tin cen cu nan no mester traha pa ningun hende.

cu ta bo nomber berdadero manera tabata. e caso cu e welo di Sra. Martis.

Sra. Martis ta conta cu su bisabuelo su nomber mes tabata Leander Walter pero mihor conoci como Leandro Henriquez cu a casa cu Ageuda Kras cu a haya dos yiu cu ta Abelrado y Nenencio.

Nenencio tabata e yiu mayor cu no a forma un famia manera Abelardo a haci.

Segun sra. Martis ta conta cu su welo Sr. Abelardo tabata un comerciante aparte di ta un sastre y ta yuda hende cu papelnan di belasting.

Sr. Abelardo tabata tin boto cu tabata trece cuminda pa Aruba manera aroz, boonchi, batata, banana of loke cu e pueblo tabata tin mester.

Sra. Martis ta conta cu su mama a yega di bisa cu su welo tabata doño di tres boto grandi y no di siete manera tabata wordo bisa. E tres barconan tabata hiba nomber di: Carlota, Nueva Agueda y un ultimo cu e nomber no tabata wordo menciona.


Productonan tabata bin di Venezuela y Corsow mas tanto cual tabata e paisnan di comercio e temponan ey. Algun material di e barco Carlota tabata den e cas di famia Henriquez warda den e plafond y esakinan a kima tempo cu e cas a kima.

Sra. Martis tabata corda con e mes ora e tabata chiquito a wak e nomber traha di Carlota di un material straño den colornan geel y blauw.

Sr. Abelardo tabata skirbi buki manera tur cos cu pasa na Aruba e tabata skirbi den dje manera: ken a cumpra cas, kende a bin biba na Aruba, kendenan tabata doño di negoshi na Aruba etc. Sra. Martis mes tin un escritura warda di su welo cu ta joya pe y pa su famia cu por tuma nota di e forma di skirbi di su welo.

Den e cas tabata tin potretnan bieu di Monseigneur warda, regalonan cu su welo a yega di haya di hendenan cu el a yuda cu carta etc. tabata tin e viol di e su welo.

Den e baño di pafor nan tabata gusta hunga pasobra e den tabata un camber di warda



romel cu nan tabata hunga tienda. E cas tabata agradabel y grandi cu tabata permiti un famia grandi biba comodamente aden.

Segun sra. Martis su bisa abuelo a traha e cas aki cu intencion cu famianan grandi por biba pa añanan largo aden. Bisñanan banda di e cas di famia Henriquez tabata hendenan trankilo cu no ta mete cu ningun hende.

Ademas e tempo ey no tabata existi hotel cu tiendan na cantidad manera awor y e tempo ey e waf ta keda na unda cu Aruba Trading ta situa den Weststraat cu tabata unda cu e barconan tabata mara pa baha nan productonan. Ta pesey tambe e cas tabata situa na unda cu e ta situa pasobra e ta cerca di e waf unda cu e botonan tabata mara.

Segun Sra. Martis e ta corda con nan tabata hunga den cura y manera cu coba un tiki den tera bo ta haya santo blanco.

Pa famia Henriquez e cas aki tur ora cu nan pasa banda di dje ta yena nan cu emocion y hasta lagrimanan ta cay di recorda y di anhela un Aruba di antes cu hendenan humilde y trahador.

FAMIANAN TA CONTA

Sra. Maria Henriquez ta lamenta cu ora cu nan a laga e cas cera cu chollernan a kibra drenta horta bay cu tur cos di e cas pa despues kima e cas.

Nieta di sr. Abelardo y Silda ta conta con e ainda tempo cu e ta chiquito a hunga den e cas aki cu ta un joya di cas.

Sra. Lilian Martis, cu ta yiu muher di difunto Josefa ta conta cu e cas aki tabata algo sumamente bunita ariba su mes pa mira cu te hasta personahenan importante di Corsow tabata bin Aruba pa admira e cas.

E ta corda cu antes bo ta wordo yama na un nomber cu bo ta conoci pe y no pa e nomber

